

Bosna i Hercegovina
Federacija BiH
Kanton Sarajevo
Skupština Kantona Sarajevo
n/p gđa Ana Babić, Predsjedavajuća

ZASTUPNIČKO PITANJE

Na 34. Radnoj sjednici Skupštine Kantona Sarajevo, zakazanoj za 31.10.2017. godine, upućujem zastupničko pitanje Ministarstvu zdravstva Kantona Sarajevo, vezano za inicijativu koju sam pokrenula u mjesecu aprilu, u saradnji sa Udruženjem porodica djece i osoba sa poteškoćama u razvoju "Dajte nam šansu", a koja se odnosila na izmjene i dopune postojeće **"Odluke o ličnom učešću osiguranih lica u troškovima korištenja zdravstvenih usluga i snošenju troškova liječenja na teritoriji Kantona Sarajevo"**.

Naime, na osnovu člana 5. i 6. "Odluke o maksimalnim iznosima neposrednog učešća osiguranih lica u troškovima korištenja pojedinih vidova zdravstvene zaštite u osnovnom paketu zdravstvenih prava", te imajući u vidu da su djeca i osobe sa poteškoćama u razvoju jedna od najosjetljivijih kategorija stanovništva i da su njihove porodice u velikoj mjeri izložene brojnim troškovima kada je pitanju zdravlje i zdravstvena zaštita, predložila sam slijedeće:

- Da se izmijeni **član 4.** Odluke i to:

Da se izmijeni stav 1. tačka 11. koji će glasiti:

11. Osobe sa poteškoćama u razvoju.

Da se doda posebna tačka ispod tačke 11. koja će glasiti:

12. Članovi uže porodice i staratelji osoba sa poteškoćama u razvoju.

Dosadašnje tačke 12., 13. i 14. Postaju tačke 13., 14. i 15.

- Da se izmijeni **član 5.** Odluke i to:

Da se izmijeni stav 1. tačka 4. koja će glasiti:

4. Banjsko liječenje, osim RVI sa procentom invaliditeta ili tjelesnim oštećenjem od 60% svake treće godine, i osobe sa poteškoćama u razvoju, sa utvrđenim invaliditetom od 60% i više, a na osnovu utvrđenih kriterija Zavoda i resornog ministarstva.

S obzirom da sam dobila odgovor Ministarstva u kojem, pored ostalog, stoji da će se u saradnji sa Zavodom zdravstvenog osiguranja KS pokrenuti aktivnosti na donošenju nove "Odluke o ličnom učešću osiguranih lica u troškovima korištenja zdravstvenih usluga i snošenju troškova liječenja na teritoriji Kantona Sarajevo", te da će se voditi računa o tome da predložene izmjene budu uvrštene u istu, a cijeneći da je prošlo dovoljno vremena, ovim putem molim za informaciju u kojoj fazi su planirane aktivnosti?

Sarajevo, 31.10.2017. godine

Zastupnica u Skupštini Kantona Sarajevo


Neira Dizdarevic